




賜書樓九世詩文錄卷五



七世孫經會謹編  
八世孫嗣松恭校



張維申

維申字子崧號山甫構別業於玉山下與嘉定  
四先生遊處其間詩舛一卷子原麻並繼家學

春風辭

春風習習兮春水悠悠春光九十兮其去也適柳之紅  
兮桃之紅思美人芳心旌搖雲有月兮鏡有花心日通  
兮身。遐魂一去兮招不來招不來兮復徘徊怨三三

之魄兮相失於中逵

江後愁望

江流渺渺浸春城柔艣籠烟似有情玉管按歌吹不得  
怕人聽作斷腸聲

張維惠

維惠字慎其號若柯文章冠世結社玉山名流  
畢集邑有紈袴欲與拒而却之卒以釀禍著有

淨綠園稿

易水歌

荆卿悲歌易水高  
漸離擊筑和之

羽聲激兮易水飛易水飛兮魂隨壯士西

雨歌

雨沉沉昏妾心遠雷隱隱似車音

地驅樂歌

天風飄飄四野蕭條討殺鸞鶴橫殺鷓鴣鳥倦不飛  
何須羽翼女貞不嫁何須顏色釣魚不出吞鈎入深  
吐愁不出吞愁入心好女不嫁問何自若若嫁市賈  
黃金如土

折楊柳歌

依依楊柳枝搖搖心中熱心絲不可折錯折楊柳枝  
西山自言高未與馬天齊女兒自言妙未入妙人

門女何所苦問女何所思阿婆休問女自想妙年  
郎亦伴新人新人幾時好儂無嬌小時那得顏色老

情詩

高樹亭亭小池泠泠風多間榻日暗幽庭羅衣涼透團  
扇塵生憑欄寂寂聞黃鳥聲

古詩十九首

遲遲復遲遲與君成別離羈旅日蕭條仰見浮雲馳人  
生非一身聚散安可期越馬鳴朔風代馬驅南岳歡娛  
人易好悲涼人易老踟蹰竟何益棄捐苦不早思君北  
素辭長路漫浩浩願言加餐飮遊子勿復道

勞勞道上客依依室中女寥寥遺世立飄飄隨風舉  
焚一望間鬱鬱不得語大夫志四方遠道亦有所空房  
竟何為佳人難獨處

蟪蛄何楚楚禾黍何離離人生譬影響奄忽誰能持快  
獨飲旨酒行樂無常期徘徊選所厚朱顏能待誰彼美  
宛與洛冠蓋自相輝隼闕起中天第羅四垂王公富  
賓客朝親夕生疑感感靡所騁回車解其綏

良會及長夜明星爛中庭歡極歌轉悲羽觴慘不行中  
曲欲自放恐傷君子情懼懷千古恨耿耿何時伸人生  
苦獨立嚶鳴多艱辛自昔維予女相視得其真情

以合苦樂無二身

明月入高樓  
白露零綺疏  
上有蕩子婦  
離別思歡娛  
嘯歌激浮雲  
北風悲有餘  
同心日以遠  
徒倚瞻路衢  
行人紛若蟻  
邈若秦與胡  
他鄉足伴侶  
無乃忘故廬  
吞聲但直視  
沉吟雙鯉魚

秋蘭含孤芳  
零落同百草  
揮泪行采之  
殷勤著懷抱  
沉吟欲遺誰  
人世漫浩浩  
馳清千載間  
三歎令人老  
春光美遊嬉  
魚鳥欣有適  
倏忽屆孟冬  
北風何慄慄  
嚴霜一以降  
景光忽變易  
盛衰失俯仰  
誰能戀遺迹  
昔我携手歡  
盟言誓皎日  
及乎得意時  
負心已非一  
織女無

報章牽來不振策  
古懽今所稀  
長思竟何益

手携綠綺  
葉落日西山  
阿延頸四無人  
遠水揚洪波  
惟君聽其真  
琴心兩相和  
別來變新聲  
商飈悴織羅  
思君玉指澁  
知音苦無多  
朱絃適已絕  
垂手斂雙蛾  
絕絃不再續  
長思當奈何

天桃發空庭  
無言自華滋  
閨人悵獨立  
攀條折其枝  
願言貽遠道  
蕩子竟何之  
感物再三歎  
一別已經時  
皖彼牽牛星  
跂彼河漢女  
七襄欲衣誰  
垂手淚如雨  
一水萬里長  
遠望疑投杼  
服箱何太苦  
獨立無與語  
渡河會有時  
相去亦幾許

高山見平原中有故鄉道落日多涼風秋霜下春草遠  
望令神傷焉得不速老蕭蕭遊子顏低徊難作好歡娛  
常苦遲別離常苦早同穴以為期客身為君保

高樓萬里心浮雲轉相屬淒風四面至秋草不再綠剝  
那復剝那人壽潛以速蟋蟀懷戒心山樞非局感古人  
惜寸陰慷慨自約束燕趙出名姝共指顏如玉粉澤理  
光儀新聲度艷曲回眸一笑主衆膝無不促丈夫獨有  
愛欲前還躑躅長當鴻鵠飛安能戀金屋

郭北多邱墳纍纍不可識一為泉下人寂寞無踪跡永  
埋未伸恨榮名遺宛洛危哉後死者倣如就途客且復

感來茲無為悲夙昔百年同一盡暫留竟何益賢聖知  
如神至此無長策採藥求長生奔車扼其軛何如及盛  
年觀心從所適

長日自為昔短日自為今出郭不忍視邱墳寒以陰新  
人漸成故古墓轉成新白楊何蕭蕭悲風愴人心故鄉  
一坏土長為參與辰

人生不滿百空餘千七悲蕩滌娛情志啼多笑已稀此  
刻如再失回首詎可知躊躇思其外但為達士非願從  
赤松遊迢遠隔雲泥

冉冉西日暮孤鴻何徘徊深閨錦衾薄他鄉恐無衣合

悽問砧杵織作較已遲長思令人瘦客顏多酸悲憶昔  
苦為別中心恻有為丁寧再三歎願及盛年歸丈夫多  
慷慨亦復緩其綏恨無凌風翼與子長雙飛夢想以為  
適覺乃在空聞契濶不我伸朱顏日夜衰

皎月促曙光客行常苦早邈風知嚴冬履霜涉遠道昔  
別矜盛年驅馳不自保驚喜得素書睨視涕盈抱上言  
故鄉好下言故人老離鄉亦有歸人老無再好友復恨  
有餘昔別何草草

客從故鄉來遺我合歡被物微意不淺道遠心尚爾寒  
機何苦車織成鴛鴦綺分飛願相思歸飛願不解人生

得如鳥誰能長負此

歲暮苦多陰白日西南微征人畏早寐皎月照羅幃故  
鄉萬里外中夜起懷歸徒旅各徬徨我思當告誰客身  
漸已老苟無渴與饑

有畫眉善鳴以尾蔽就養外舍過之有感

和風淡月過疎籠又見樓頭斜照紅啼盡落花春不管  
數聲禪磬遠林中

附詩一首

送張慎其秦中謁顧中丞就婚 程嘉燧

中丞蒼佩俯成秦才子衣香渡孟津濯濯風流元似

柳夭天花月不勝春臺中列柏迎瓊樹幕裏哀為蓮讓  
玉人逸識禮成思拜慶還徙烏署問雞晨

張維寧

維寧字士懷與弟維樞維石維祺維新維戊並  
有聲黌序詩附見西康草堂集中

雲間

三泖波恬印九峰尾閣片葉渺孤踪漫將日下矜鳴鶴  
一笑誰為陸士龍

張維石

維石字介甫見維寧傳

虎山稿

四面橫嵐倒入湖平橋一望碧天孤好將李郭丹青手  
摹寫吳山第一圖

倚槩漁人理釣絲花開花落未曾知只愁水涸無魚餌  
不怕湖風捲浪吹

張璐

璐字路玉號石頑隱居包山深究養生家言得  
盧扁之秘所著醫通

聖祖仁皇帝命醫院校勘置之南薰殿詩稿一卷載吳縣志  
容有問余山中景况賦此答之



遐僻何須問荒涼意自深庭交天棘蔓垣護薜蘿陰關  
徑通雲竇移牀就石林於焉宜暇日差得寤歌心

寫竹

綠天殘醉曉烟空拂坐脩脩寒影中解箨一叢含雨態  
滿庭蒼翠起秋風

張機

機字虞若號絨菴精於易學疏解彙文辭精確  
不磨著有齋音一卷

贈某

儒學金華後清風一布衣讀書將道貫守己任人非門

下常携酒山中只啖薇東南遺獻在朝夕願相依

張藻

藻字魚在號坦菴隱居教授慕文中子之風詩  
草一卷

夜讀

莫嫌聞道晚補拙正資勤自愧蒿萊滿何堪滅裂耘有  
書如束筍得手輒披雲酷愛平原句願情老典墳

張慶孫

慶孫字聖奇號曾餘順治甲午舉人結廬匡門  
之清溪聚生徒講學遠近稱為經師以子大受

貴贈翰林院檢討祀于睿宗著有尚書集要侶

琴齋集

載蘄州府志長洲  
元和嘉定等縣志

侶蚤齋詩集序

汪琬

古之為詩者必有所感慨憤激於中不得已而始託諸文詞是故欲正言之而不敢也則微言之欲微言之<sup>而</sup>又懼其不吾察也則旁引曲喻丁寧往復纏綿排惻而言之此無他所以自明其不得志者然也使其得志則將發之於事功而達之於民物又安庸此區區者為哉故曰詩能窮人古之為詩者自唐宋以來若杜子美寓食於西蜀李太白黃魯直皆罹竄謫陸

魯望林君復下及近代孫太初謝茂秦之徒又皆布衣終其身若梅聖俞雖得一官而訖不顯無一非相望於窮者也至其甚者賈閬仙蘓子瞻劉潛夫之屬則又專坐詩賈罪豈非詩愈工則窮愈奇之驗哉吾友張子曾餘殆亦窮者之一也張子少好為詩以格於科舉未竟其業既與予同捷省試又屢上禮部不第最後由絳誤被絀遂無復仕進意專求工於五七言體榜其齋曰侶蚤蓋自比於物不得平則鳴者短歌微吟累數百篇其文詞亦既斐然矣至是命予為之序予告之曰窮不足以累張子也

國家設科取士每三歲凡得數百人比年裁其故額猶不減百人以上屈指其達者僅百之三四耳多亦不過十之三二耳其他皆求免於窮而未達者也且其窮又不坐詩以予之陋劣其為詩也加無師友淵源之益距古之作者尤濶遠然而坎坷偃蹇垂老而無成則亦不免乎窮獨奈何以張子之窮遂以為詩咎哉吾聞之也不有得於今必有合於古不近而榮顯於一時必遠而流傳於後世若張子之詩是也然則窮不足以累詩乃足以累張子乎或曰張子既緣好詩之故而益窮而復取吾子窮者之言序之其為計

左矣予曰然請并述以告張子

韓 奕

詩一名而訓三承也志也持也先儒以為承時政述已志持人行然自採風不行而詩之作亦不必被諸管絃所為審音聲以知樂與政者闕焉則義無所承特言其志而已志之鬱積不同以形諸長言咏歌嗟歎均為盍各而平和者為難春秋說題辭云恬澹為心思慮為志然則恬澹者固志之本與暢斯趣也不必其錄之太師而亦可以持曾餘張先生自舉於鄉被誑誤即杜門不復出以圖書自娛積數年而得詩若

千篇以其齋名侶蚤者名其詩稿而問序於余余回  
未及見先生之全詩也雖然竊有以知其志蓋先生  
於人世得失榮辱毀譽之交油如也才高數困安之  
無不自得之色惟孜孜以讀書好古日不足為事余  
嘗一登堂揖其貌聽其議論驕氣與態色俱釋充然  
有道者也玉未剖也而精神見焉琴無絃也以有琴  
心焉然則斐几隱囊薰鑪茗椀怡性悅情以迎道種  
非即先生之詩乎過屠門而大嚼雖不得肉顧且快  
意余指未及柴而腹已屬厭矣竊以是序先生之詩  
或者得其大凡至於審其源流而詳其體備俟他日

諷咏循環尚可以窺尋萬一焉

履素先生祠堂記

朱彝尊

先王之教民匪直鄉遂大夫閭師黨正之職也凡仕  
而已者歸教其里歿則祀之替宗漢晉經師設黌堂  
繕精舍至於宋府州縣學外分建書院擇耆儒為山  
長或與博士弟子爭多焉明初山長廢而書院尚存  
講學者得以專席其後朋黨盛而學術殊時文工而  
經義晦科名重進取亟而力田孝弟無人必藉鄉有  
善士慕以親親敬長之節離經辨志之方故夫師逸  
而功倍化民成俗而有司莫知斯則儒者之效矣曩

予泊舟區門聞岸有讀書聲詢之則順治甲午鄉貢  
進士張先生曾餘之學舍後四十年獲交於先生之  
叔子大受大受識達而才敏洽聞周見自舉於鄉名  
日盛弟子著錄者數百人席研不能容則廣其宅齊  
曰拙齋亭曰讀書之亭軒曰活碧之軒又於衡宇之  
陽築堂曰孝廉之船不忘厥考所自也逾年負笈益  
衆爰拓地於水南立軒於橋下軒東曰潮生閣用紀  
落成之候閣東建祠奉粟主以祀先生焉於時巡撫  
都御史商邱宋公過而題其扁曰履素里之父老僉  
曰先生居家以孝友遇人以誠持己以介士之百行

脩焉宜有私謚以易名久矣宋公所題則公也而非  
私也今而後吾黨合以是稱先生於是携榼酒陳百  
果爇瓣香長幼胥拜祠下大受請於予曰是不可無  
記因書其本末於壁先生諱慶孫先世嘉定人徙郡  
治縣學生諱慎德之子歲貢生諱應文之孫福建按  
察司副使諱情之曾孫遺書有尚書集要侶蛩齋集  
子四人伯仲皆生負大受中康熙庚午舉人歲己卯  
天子南巡狩聞其名宣見於

行殿亟稱爲讀書人今赴試禮部季士琦知吉安永新

縣事

斟斗酒

良夜斟斗酒共君起長吟寒暄自夙昔縱飲開胸襟東  
壁蕩焉虛懸以獨絃琴為君感意氣千載稱知音禽鳥  
亦有智草木亦有心肝膽耿不磨豈必蘭與金促些紛  
市朝孤抗歸山林聚晤欲忘言交情此中深

采桑曲

晨興採條桑慙慙服公子駕言行多露結束朝日起倉  
唐集女枝雙雙鳴葉底多情謝好鳥筐篚相勉砥柔荑  
出春風皓指光炫水婦功當及時不敢告勞苦歸來整  
盤餐高堂厄甘旨環佩豈勿歡拮据未遑理東家暮倚

樓自誇顏色美

貧女怨

茅屋掩深巷有女顏如花皓齒雙蛾眉顧盼生明霞晨  
興自結束含愁搖緯車春風從東來綠樹啼金鴉桃實  
李亦謝脉脉感流華女美不在色金翠蜚名蛾不怨出  
嫁遲但怨生貧家

贈徐臞菴

落水滿東臯寒氣生虛室焚香坐攤書朗吟振四壁臞  
菴徐子至芒屨相迎揖坐話窮古今悠然忘日昃徐子  
素工詩兼有談詩癖句調重推敲字義多刻畫篋發十

年咏諸體並成帙展覽驚叫絕謬稱時少匹一言稍糶  
糊指摘如荑棘余喜謂知音周旋數晨夕杯酒夜挑燈  
感遇五歌泣心契在貧交俗眼分車笠古道苟不渝毋  
云削顏色黽勉重自愛砥行當努力蒲柳秋先零後凋  
在松柏

古塚行

孤松蕭索搖秋風孤鶴徬徨唳秋雨秋雨秋風愁殺人  
寂寂不驚三尺土牧童樵叟草間卧狐兔縱橫自來去  
束芻豚蹄酌者誰兒孫不記長眠處已馬歲人生須臾勿復哀  
北邙一坏連纍纍今人昔人同歸此君不見塚中枯骨

委黃垆百年前是看花侶

古城行

榛莽塞高壘白日走狐鼠停驂見荒碣詢是舊城址昔  
人卜築新百堵招徠千室列編伍睥睨排空鳥鵲喧深  
濠駕梁輪蹄濟羣雄逐鹿事百戰攻掠險阨陷郡縣子  
女俘囚一炬空城郭邱墟桑海變虎卧社稷舊時壇鳥  
啼古樹荒墳寒行人攬轡重回首徘徊吊古生長歎長  
歎息摧心顏漢家城闕秦河山祖龍不駐沙邱蹕金城  
百二雄咸闕

謁先伯父烈愍公祠

煌煌千古尊名節○支撐乾坤揭日月○死生至性耿不磨○  
綱常維植溶碧血○公生卓犖千人英○文章命世光傳經○  
早歲簡拔遊上國○萬言廷對動楓宸○軍冠多士資選授○  
巖疆需才急川石○五年勞吏披棘荆○甘茹冰菓肌膚瘦○  
一朝干戈起伏奔○八郡六州皆應響○獻城納款紛不禁○  
殺傷橫路遺鎧仗○孤城古屬夜郎邑○斗絕褊遠戍無卒○  
倉猝嘯攻如蟻附○督民禦戰衝矢石○登埤四顧度不支○  
犇回縣署聲歔歔○望闕遙拜揮涕陳○臣心不二穹蒼知○  
爰命次子間道出○遺書衣帶血痕濕○勉相幾報國恩○  
男兒母效女兒泣○已持匕首坐堂雙眸炯炯莊冠裳○

急呼命婦暨二女○先櫻利刃仆匡牀○公曰吾今始瞑目○  
昇尸來前端手足○積薪接棟命舉火○轉睫刎頸烟燒屋○  
兩僕拊膺誓殉主○闔家焦爛焚烈焰○英靈歸天天帝欽○  
日光晝晦晴如雨○賊臨驚歎盡稽首○喃喃忠臣世希有○  
火息危坐顏不更○兩邑銅章堅握手○爰額邑民齊認識○  
四棺暫瘞廳事側○前後相去隔數武○忠名細向塚石勒○  
事平章上帝歎嗟○有臣似乃朕心嘉○贈秩廕後兼祠葬○  
重命元輔宣新麻○褒獎絲綸煥祭壇○先揚父子同忠肝○  
次及女中丈夫烈○幽魂下慰泉臺寒○長公就試前還里○  
從戎次公為雪恥○此時遵旨扶觀來○邑民趨迎慟不已○



萬里星霜塵兩親。噴濤擁護微軀輕。夾岬鵬猿助哀楚。  
一時哭倒三巴人。歸來二子皆鵠面。賓朋詣詢淚重沱。  
天留忠裔鞏一圉。衝風破浪會相見。廟貌巍峩傍郭西。  
肖像瞻禮士民齊。英風蕭颯鼯鼠徙。喬松蒼翠鸞鶴棲。  
迄今如生起敬恭。春秋血食懷孤忠。仰視太息日移竿。  
昂藏七尺當如公。自古忠臣不惜死。死國如公勝生矣。  
茫茫宇宙有幾人。睢陽以後獨公爾。  
公門生御史宗敷一  
顏公祠曰睢陽接武

和楚慧上人登中峯

峭壁看疑斷。披尋又幾重。松高鶴帶影。洞迥鹿留蹤。  
樵語橫雲徑。僧歸落日峰。蕭蕭秋寺近。殘葉墜疎鐘。

和范潞公太史光文題趙侍御園亭

小築成佳勝。憑臨結構工。觀闌紛玉樹。照水炫珠宮。  
柳翠輕烟裊。苔青細雨濛。鳥從石竇出人自。板橋通置酒。  
邀林月。揮絃趁竹風。避喧身伴鶴。談俠氣蒸虹。逕曲行  
防反坡危。立駭空。做圖勞點染。措覽起顏癢。雪夜尋梅  
白。晴秋葉寫紅。遐觀思島嶼。幽訪夢崆峒。情繫千巖裏。  
心閒一壑中。偷然娛永日。擬作浣花翁。

庚申長至對雪夜飲與及門徐寶書樂天錦雯顧

岸霄鮑倬雲王綏猷子燦然大受士琦聯句

寒宵兼對雪。剪燭漫搖紅。林密聲敲竹。曾庭空影度鴻。

美人歌悵裏受高士卧巖中景物因時異樂襟懷此夕  
同其秀思惠我綏從和豈輸公日月驚迴電燦年華悵  
轉蓬葭仄吹飛趙野琦庶逐走吳宮逸興山陰棹錦清  
談江左風程門幽可立寶袁室香難通珊骨行披鶴岸  
冰花散作蟲知交期聚晤倬感慨藉鄂筒句為爭吟迅  
無勞論拙工曾

奉酬太保澧源梁公

幕府開師相威聲震海隅風高鯨國靜露泛鴈民蘊  
咤垂隆錫文珮勒碩膚韜鈴羅猛士讌笑彙文儒傲睨  
冠容穉端趨履雜珠捲簾鈎玳瑁布席觀羅綸對月琴

三闕當花酒百壺聯吟推縞紵共話憶尊鱸偃仰涵鴻  
度翱翔振鷺雛簪纓綿帶礪甲第鞏球圖綏滋勞心計  
安疆裕智謨功名雄李郭著述隘孫吳春色紅山杏晴  
光綠水蒲物情欣藹藹人氣樂于于清宴資公力承平  
翊

帝符茂展魚鳥思化日祇歌衢

壽同年李南津大中丞次鄭有莪韻

秀靈鍾峽左聲望滿江東文以心機燦人因道氣雄萬  
言傾紫闕隻手補蒼穹舊澤稱民母先年伯如石公新猷  
號國工簪花內禁肅賜燕任長令有薦躋上儀豐筆削金書永師型

壁水隆

以國史院為國學祭酒

峩冠看濟濟鼙鼓聽逢逢詔降越裳

塞旌移句漏叢整容三譯懾崩角百蠻宗望極星辰背  
眸回天漢通行時欽渥頓歸日歎飛蓬乍許安休沐旋  
期効急公援兵揚遠畧濟餉佇鴻功餞醴陳郊外壺漿  
接漢中粒分千庾雪艘趁半颿風庚癸紆編伍星霜徹  
宸宮勩勞使蹟辭賞蹇臣躬習禮班鴛恪先任大鴻臚懲貪  
吏蠹空隨擢大中丞

聖容初倚沃神降恰生崧戟列籠春藹筵開啟曉瞳瑤  
桃羅畫几瓊液注耶筍仰志岡陵祝欣瞻顏駐童

文星書院會集名俊主盟者為院撰彭雲客訪漁

喬梓限即事五言排律二十韻用受見原韻以  
次之

新晴開梵閣初日射書堂鑄響依松牖罽烟繞柏梁養  
高情絕宦寄傲恥稱郎論道探文苑拈詩駕筆牀幽光  
穿月脇艷藻挾天章饌出蓬池膾條遵金谷觴錦心鎔  
鄴架綺語發奚囊工琢琳琅圃奇翻傀儡塲塵囂置聊  
遙自隔寵辱迥相忘摯訂笠車誼堅持鐵石腸度函雲  
夢隘氣亘華崧長持已敢臨履濡人溢醴漿有為資瘡  
瘁無累任徜徉零雨公彌遜春風士匪狂困須安滬素  
榮勿闕濃妝照老思拋鏡聽愁欲塞璫鐙傳秋草露釵

欽夜花霜勢笈當時赫聲期萬古芳樞嘶聊附驥枳息  
幸來鳳領袖高賢在兒曹勿謂張

書國香集後

先祖春塘公性好蘭晚年著國香集載菽蘭法咏蘭  
詩王鳳洲先生為之序

半生芳興寄瀟湘晚著書成譜國香護向雨中張翠幔  
開從月裏泛清觴榮名總為林邱淡樂事重曰花草忙  
慚愧後人多鹿鹿猗蘭夢香一頭霜

吳聞璋千頃小修貽示西湖倡和詩賦酬

十里晴煙一片湖勝遊勞日我夢菰蒲橋邊紅雨鋪成錦

堤上青山列作圖南浦采葦鷗浴晚西風落木雁飛孤  
明年重踐扁舟約爛醉如泥倩客扶

村家守歲

壬子除夕擁鑪置酒呼三子前曰庶長雖歿汝輩皆  
早慧差寬老人悲歎三子喜先觴余暨余內曰各立  
飲一杯余呼季子曰汝工對今試汝夜深一曲梅花  
冷應聲曰臘盡三杯柏子香余嘉其捷曰憶早間一  
友出袖中除夕題有村家守歲一則因索筆拈成兒  
女嬉戲不離文字喜而志此

歲除閒暇憶村庄不似城中箇箇忙庭外踈籬憑雪壓

屋邊獨樹柰風狂。夜深一曲梅花冷。臘盡三杯柏子香。  
兒女團團翻足羨。滿盞殘葉坐燒黃。

侶蛩齋成喜宋既庭枉過

一春習靜掩柴扉。君到初開卸芟衣。知己別長情轉密。  
逢時計短話應稀。水流牕外翻風綠。花笑堦前帶日緋。  
不棄貧交時過訪。挑燈無復賦調飢。

舟過金山

塢向雲梢出。山從江面浮。片帆風正駛。杯酒過中流。

別意

離亭一樽酒。迴首各天涯。記取傷心處。江蘼獨自花。

旅夜偶成

夢破江南夜。懷人天一涯。空庭春寂寞。風雨落梅花。

樵父行

來不怕虎豹。去不怕風雨。祇怕青衣兒。催輸到鄉里。

嬰兒行

四齡兒已孤。衣食依兄嫂。隣媪喚喫芋。搖手但云飽。

廣陵懷古

三月烟花渡春歸。人未歸。隋家千柳岬。獨有燕雙飛。

古別離

霜落庭草枯。春至仍復生。君行如斷蓬。不續舊蓬根。

賦得西宮夜靜百花香

煙鎖金鋪宮漏長。內家春樹夜凝香。不知鶯蝶綠何事  
偏逐笙歌宿上陽。

次沙河縣

西風撲面見孤城。沙磧荒荒悵客情。惟有一行歸北雁  
如陽猶帶故鄉聲。

羊流懷古

輕裘緩帶去從戎。千載風流碑碣中。駐馬欲詢枌社舊  
酒旗山店雨濛濛。

竹枝詞

妾家閨閣小橋西。郎住橋東隔一溪。溪淺橋低人不見  
落花兩岸杜鵑啼。

泰安道中

天邊日觀最高峰。跨馬遙聞山下鐘。千載不封玉檢字  
白雲猶護舊時松。

真娘墓

芙蓉秋水夕陽灘。雜沓笙歌倚木蘭。醉後離情巫峽夢  
白雲紅葉一城寒。

古郵亭

尊酒郵亭送夕陽。風塵一去馬蹄忙。殺人不用并州鐵

纔聽驪歌已斷腸

賜書樓九世詩錄卷六

七世孫經畬謹編

六世孫於詩恭校

張婁孫

婁孫字宗卿三江孫克繩祖武積學未售

客到

客到催開徑何當  
烟雨中呼吳供市脯  
著屐摘園菘且  
共浮春燧誰能作  
夏蟲嗣宗原至慎  
一刻滑稽雄

張維清

維清字孟容兩娶皆為歸太僕東林濡染頗深

遺稿一卷

端午食凍魚

五月食凍魚玄宴司夏令我本寒於冰與物復何競  
五月食凍魚其味清且冽深怪竈下養慣欲因人熱  
五月食凍魚魚自江心出寄語晋太保此亦可已疾  
五月食凍魚魚凍水亦凍棘葉投湘濱蛟龍不敢動

張紀

紀字齊方號槩菴髫年即嗜竒節好為古詩歌  
由門廕襲錦衣衛正千戶日辨羊時移書大金吾  
挂冠歸里著有槩菴集

練音集云紀九歲時題扇頭  
墨梅云玉圃總舒夢江南早

春寄

神女峰

吾聞巫山神佐禹治水土疏鑿控巴江其狀類美女楚  
王恣色荒宮腰競媚媼宋玉屬微詞托諷期悟主靈縱  
紛徃來朝雲與暮雨千秋搵觚人相沿事媿侮襄語鏤  
心脾猥辭署廊廡所以赤松遊不願侯萬戶誠恐凌烟  
閣認作一嫫母試讀左徒賦比物喻修阻鳩媒請宓妃  
將無訂柯斧神明示幻形倏忽無定所黃陵窳兩角慎  
莫詫老牯

怨歌



湘天欲暮湘烟歇  
湘瑟幾抹湘波疊  
竹枝唱作啞啞聲  
杜鵑淚染斑斑血  
匣底龍淵暗不鳴  
胸中灑氣歌成咽  
城可摧石可裂  
博浪車中椎不飛  
漸離生上筑  
初折杯中酒  
乍傾軫上絃  
初絕孤鴻影  
沒最高峰  
哀猿嘯落霜  
天月

歸州道中 有引

新正十日舟泊歸峽中暮忽大寒雷電交作風霰徹  
夜曉起四山積雪與柳絲梅萼爭媚巖扉亦大異也  
瘴江臘月菰蒲綠暫遣微寒盪初旭軟軟溫風掠岸斜  
雙雙巴女沿溪浴我來澗戶懸春瀑  
秣歸山下桃李穠

布帆竹筴上危灘  
柔萋碧草波如靱  
朝尋杜浦濱西行  
暮向昭君井邊宿  
須臾風勢燭橫吹  
中宵旋轉坤維軸  
萬壑殷雷震鼓鼙  
半巖烟電窺空屋  
颯颯驚飈簸客舟  
峽猿聲斷鶴鷗哭  
祝融怒扶去青帝  
銀蟾空縮胸  
晨起推蓬烟霧深  
峰頭青黛敷寒玉  
蟄龍宛轉鱗甲甍  
凍龜伶仃爪牙縮  
啼慵柳眼撲花飛  
笑破桃腮經粉琢  
一種芳菲幾種看  
雷聲雪色絃相屬

過螺磯拜昭烈夫人祠

寒濤拍拍孤鴻墮  
香烟一縷翻濃霧  
弓刀女隊列前幃  
英姿未慣汗鉛素  
吳宮兒漢家婦  
望君王憐阿母今日

秣陵人明朝錦城路妾身欲去魂應住丈夫努力營家  
國掉頭不作臨歧泣一生恩怨逐飛蓬吳苑蒼蒼月痕  
白碧眼紫髯而公乎雖有親兄俄為虎摩笄欲學代王  
婦忌夫怨兄都不可屹然一死咽江流貞魂夜夜石城  
頭白帝城邊千尺水西風空吼海門秋相看唯有江干  
樹年年三月花飄絮西隔九疑雲東接桃花渡

報國寺古松短歌

嘗怪千年壯士骨鼪鼯却步不敢食入地猶令土伯嘆  
攢空飛向蛟龍窟挾取龍雛拉蛟母驚鼪颯然集梵宇  
睨霄戾壤枝拍烟蒼髯拂拂氣欲吐嗚呼報國之松何

峻嶒千年碧血不可蝕化為琥珀光晶瑩

出門行

對酒不能飲出門看山色山色照人裾蒼翠如可摘  
此嫵媚姿壯心終未適入門撫長劍光燄騰一室龍淵  
真知我鳴吼山石湧仗劍出門去前途日已曷悲風舞  
斷蓬行子心棲惻歸來茅廬中顧盼長太息酒澆磊塊  
不消愁舞劍啣杯正素秋須臾月上松杉碧出門倚劍  
看山色

贈新安汪尹子

粵稽篆體昉何禳結繩乍解屯鴻濛雲書鳥跡僅髣髴

意與上古精神通封山浚川誌神異攀躋禹穴觀奇踪  
延陵漫漶存數字遺聞書自孔老翦岐陽石鼓半明滅  
或云宇文車既攻李斯謬作受命璽點汚荆壁恣愚蠢  
始知篆摺標絕軌况乃鐫鏤窮神土崑崙石爛蒼頡死  
俗書濃媚雙睛瞽汪生睚眦未何所芙蓉睽睽昆吾鋒  
秦鈎漢畫任睥睨鏃鋒刁斗紛奇雄嶽巖截案陡宏肆  
巨靈掌躋太華東蒙茸糾困相繚繞平沙晨集千雁鴻  
斷續飄蕭偶趨忽雨餘虹脚斜端竦頭角踟躕迅騰蹕  
擎空攫漢撐游龍欣者濃艷杳無跡靈娘罷舞瓊瑜空  
悠然欲止不得止流泉半咽聲淙淙有特弄筆作嬌倩

蛛絲輕颺花耐紅有時靜好炫修婷柔肢小婢窺春櫳  
有時偃輓營纖逸隻鬟髮髻看躡不鬆嚴姿矜態迥相向  
漢宮才人屹當能忽然嚴整翻飛動射鵬萬騎喧夕烽  
忽然孤詣驚淒絕秋林日暮啾寒蛩茂林汾河發簫鼓  
新豐猛士歌大風汪生指法差足擬硃砂小印光瞳矐  
安得明時事封禪金泥玉檢銘帝功不然挾策燕然道  
磨崖千尺豈碑崇扶輿精彩不久秘幻作光怪聊與容  
下為萬卉叢大地上為星辰篆蒼穹

雨發合江

涼颼送雨暗千峰  
檣影橫江斷曉虹  
蛇豕未能殲塞上

風雲何日起隆中十年踪跡空搏土七尺形骸任轉蓬  
莫怪天公輕棄擲從來感慨屬英雄

蜀道示弟

血灑麻衣泪欲枯西風朔雪暗征襦中宵心事聽猿母  
萬里艱虞逐雁奴知尚必來吾自恨惟員善報爾能無  
家仇國恥千秋事一騎軍前識灌夫

和麻城友人燕邱見贈之作

生妬春風歎髣華夢餘私語尚聞譁暗窺錦瑟簾中月  
懶結留仙石上花燕市醉吟蜚白雪楚峰織雨潤明霞  
支機石畔人何似應悔虛迴碧漢槎

吊王楊二公

天津都指揮使贈都督僉事王公芳  
天全招討使楊公愈俱征播陣亡

旄頭燁燁照銅銀血染黃沙暗碧雞三捷連飛甲帳北  
五陵星隕夜郎西將軍不作生都尉烈士還成死日碑  
一室英靈千古淚常令番漢大名齊

憶王開美提寄

五雲縹緲隔平津苑樹花飛別後春我泣遺書辭宿衛  
君携孤劍老風塵三杯醺醖能消渴千首珠璣不療貧  
歸夢倘隨明月渡江湖何處不波臣

塞上

玉帳鷹揚羨黑頭美人雄劍舞高樓  
斃輸夜醉千門月

首荷煙柳萬馬秋。屬國僅能完漢節。花柳空自怨吳鉤。  
只今迴首閔山夢。青冢祁連一樣愁。

哭故相國高陽孫愷翁夫子有序

燾廟壬戌紀為先烈。愷伏闕請卹。適高陽公以揆席  
兼樞柄。一見嗟悼。即日具覆。褒揚大節。悲壯淋漓。朝  
野感動。渥荷全典。諸所以慰死安生。靡不周摯。數四  
上謁。忘分。延撫如親。子弟公旋。以視師榆關。勞苦功  
高。休澣還里。紀伏處。菰蘆愧不能稍。暨尺寸仰報國  
士之知。復不能策蹇北首。侍公平泉。一日起居。方耿  
耿在抱。乃歲戊寅冬。東氣內訌。彌公梓里。公竟以舉

家死義。聞矣。接讀卹抄。心魂震裂。後先烈愷殉難之  
歲十有七年。而事若符節。益搔尚風。期固有默默心  
許者在也。敬為位而哭之。兼述以辭。嗚呼。紀今日之  
慟。公豈直為一身一家之私已哉。

感深家國更何言。未泯當時涕淚痕。蜀魄只憑鵲作伴。  
燕臺幾恨鶴乘軒。麻衣草土孤兒血。華表殘題上相思。  
詎料廿年彈指事。居東赤鳥委荒原。

秋柳

賸得長條曳畫樓。依依不復舊風流。涼烟淡澗腰墻舞。  
寒雨飄蕭黛斂愁。苦憶鶯簧催曉夢。祇餘蟬影抱清秋。

江潭日暮驚搖落憔悴青門老故侯

離垢菴詩

黛螺欲壓西遙青乍却珊珊態轉嫖雨洗淡姿秦與貌  
烟籠舊質尹和邢雲容澹沲爭歸戶嵐色清幽競落庭  
一曲金鋪疑洞府抽簪誰為叩雲扃

屏山排翠

一徑縈紆磴道連蒙茸勿剪翠蘿纏當年綺閣花催句  
此日荒陂鳥弄烟了葛風枝綠絕壑悠揚清梵徹諸天  
白雲谷口能辭客一洗塵心頓惘然

蘿徑紫烟

列岫東來渡綺疏紫霞長護化人居雲璈仙樂連方響  
劍佩朝真唱步虛誠格九天邀絳節聲飄三地契真如

由來道德通禪觀好把黃庭印梵書

玄嶽步虛

為寬隻眼一登臺尤憮高秋數雁來井邑參差烟縹緲

雲山菴畫水滌洄東卑橘柚丹黃綴南浦蒹葭素練裁

日暮漁燈紫遠淑下方風送梵聲哀

履巖舒眺

卅年嘗此快清談在苒龍鐘一老蟬城郭歸來如鶴化  
槎枒攀霞共僧參婆娑香國人非故顛倒南柯夢尚酣  
桂蠹未曾勤食指樹猶如此我何堪

古桂觀香

峰陰珍卉舊曾採購遍名園眾所耽磬口未聞諧擊拊  
檀心差合伴瞿曇三珠龍藏經千劫雙樹鯨吐蔭一龕  
恰向雪山窺色相六花迸破蠟書函

檀梅照雪

清宵閒寂道心生雲外疎鐘夢不驚別鶴一鳴日露警  
瞻鳥三匝喚天明浦牢水底司昏旦開士祇園禮淨名  
最愴鳳城御壁後十年無復景陽聲山寺遙鐘

一卷山岷磔蒼髯環珮聲隨少女織忽借龍風來吹萬  
頓令蟾魄失清嚴鮫珠翠織綃千尺金翅摩空塔一尖  
陶令不妨參法席蘭陵名酒仗郵籤松濤瀉月

讀騷痛飲福常慳萬竹蒼涼溪一灣權襪塵容應不到  
主賓苛禮盡須刪幕天席地渾無暑障日浮空或是山  
與可貧蓄猶有谷丸泥封却不知還竹深留客

凌波翠葆若耶東千隊紅粧一鏡中永日清歌傳極浦

夕陽少女弄微風羣芳已占香為國解語應知色即空  
待得碧筒傳勸後醉鄉有路擬稱翁荷淨納涼

碧溪宛轉挹琳宮猶記死源路乍通鑿地誰稽荒度始

瀟川還憶架梁功溪為先慎其所鑿昔有西橋清溪灩灩芙蓉影白石粼

粼蘆荻風瞥眼春波慰無恙蓬壺近繞鹿城東清溪漾碧

繡谷喬林一徑通鶯梭磔磔擲花叢雙柑賸砭詩腸澁  
百轉誰為裕耳工睨睨如黃流別院偏提斗酒醺花宮  
雪衣亦有能言鳥常禮慈容紫竹中鄰圃聽鶯

靈茅顧渚茁春猷帶露新烹嫩綠夢為欲百篇耐太白  
先教七梳學盧仝句傳瘦島推敲苦茗鬪君謨戰勝功

繡帳香銷公案在趙州鐘底響松風

煮茗敲詩

四天緇素托南宗牢把曹溪舊鼓鐘橫豎辨才都不得  
中邊法界任相逢蓮因不染花開鉢偈為能通棒可封  
一瓣旃檀初爇處輝輝佛日徧千峰

燃香說偈

風雨迷濛象外幽山牕流潤到鳴球一規匙鐵潛魚躍  
半憂清商過鳥梭舍衛何勞荷蕢歎無心也擊泗濱浮  
曲終徑爾餘音在聲振香林爽氣道

雨牕孤磬

疎林紅紫帶霜奔萬點寒鴉噪晚酣去國孤臣淚綆  
灰心衲子一燈龕染憑幻筆生難寫句劇詩脾咏亦慙  
未免有情那遣此暮烟古木徧江南

平楚昏鴉

近從字句印初潭鷺嶺浮圖山盍簪百顆摩尼懸貝闕  
千尋火樹燭江南人天映耀心俱朗昏旦昭融夢不酣  
恍憶峨眉千丈雪聖燈隱隱佛光涵

子夜塔燈

風姨颺颺撼禪關煨芋鐺邊月一彎鼉鼓逢逢心亦定  
雁堂寂寂影俱閒蓮花幡底必荔課柏子香中古佛顏  
珍重天雞纔一喚大千癡夢片時還

風林梵唱

衰年不擬負春山醉月迷花事事嫺豹犬吠時如應響  
翠禽夢處欲驚還友聲有和紛紅雨喬樹遠高俯碧潺  
最憶長干東去路青浮木末語間闕

翠羽啼春

疎桐落落蔭朱曦竹裏山堂敞四宜湘簟午餘閒破夢



旌簾捲處靜觀蒼高林嘒嘒教初引涼露滾滾響欲嘶  
翹首金甌寒把影自持清韵畏人知 高輝樂晚

祝虞若從弟

孝友清芬積慶餘鑿坏新築考槃居 時方築室室岩山下為棲隱計 猶龍

紫氣來函谷吐鳳青輝映石渠從事山中千日醉傳家

北上一編書煠麓及爾諧同調下里繁音盡掃除

大隱何須在市朝秋桐晨露好攀條達生蕉鹿喚秦鹿

托興詩歌即酒歌扛鼎才鋒推亞旅杖鄉鬢髮共飄蕭

登高賦筆吾猶健棟榦參差托後凋

明妃墓

漠漠胡沙迥萋萋塞草新東風上孤冢猶是漢家春

書小青存句後

一片邗溝水千年姑女津惟憑波面影憐取眼中人 青

有卿須憐我  
我憐卿之句

為虞山徐朗草司李題拂水先瑩雜景

重湖疊碧浪佳城堆紫霞虞山如顧影面面照菱花  
素月吐瑤華平坡騁遐矚清光萬古留長以慰幽獨

練川金公調文屬題園居雜景

勺水漾清漪變鳧任來去觀空日凭欄鳶魚捲成趣 鳧  
嘗聞竹西寺今見西竹嶺顛倒作麼生夕陽漏疎影 嶺

巫山春望

亂點江花照影紅春堤幾日怯東風生憎巫峽常雲雨  
千古詞人盡夢中

劉伶墓

劉伶嗜酒世無倫荷鍾相隨醉夕曛酒頌至今人藉口  
一杯誰為酌孤墳

公子

通籍承明侍王除平津列第拜恩初鳴鞭夜出新豐道  
却笑金門十上書

二十門封列絳綈殿前新勅領千牛秋風扈獵祈年館  
衛尉相逢歎不侯

銷夏吟

菩提紺宇鬱岩堯風梵林鐘雜暮潮徒倚柴門無箇事  
夕陽葭影共蕭蕭

風迴長谷晚涼生紙扇新裁子夜聲常憶南樓明月滿  
玉繩低處數流螢

七月淞江鱸漸肥菰羹蓴菜儘忘餓何如西塞玄真子  
到處青山有釣磯

煙權瞿塘汗漫遊三生石畔幾回頭請看金谷年年草  
常共春風弔墜樓

秋聲

多景樓前鶴影翩一聲鐵籬破江煙六朝惟有青山在

坐折秋香看月圓

池上得句似云曜

池上涼風被秋衰  
梧僵柳搖鳴秋夜  
來絡緯綠何事  
不織綃紈祇織愁

吳孃驛裏獨凭樓  
玉笛聲沉翠黛愁  
憶得班姬紈扇句  
梧桐夜雨又新秋

早春宿留暉門塘南故廬

余離故廬已五十四年矣

飄蓬半百乍還家  
追憶童遊幾歲華  
惆悵五更清夢  
斷一窻霜月浸梅花

杖淚一首送廕子金吾張齊方入蜀訪烈愍遺

殖

程嘉燧

杖淚滇南慟哭文忍憑斯語悼夫君崑岡寶玉元同  
燼大國香蘭亦自焚張令死旌睢陽廟孤兒思拜羽

林軍間闕萬里招魂地棘道初傳蕩寇氛

烏傷王祥事其子王紳訪

遺值有漢南慟哭記

張

紈

紈字稚龍號稷源烈愍次子年十九遭奪首之  
難間行出圍誓殲逆首立孝義營募集義勇斬  
叛招降賊寇以平叙功授都司僉書不就歸補  
諸生著有啟楨集

掬水祭樊孝介祠

顏唐醉峰側松濤響雲際山鳥悅新碧遊人忻乍霽時  
序追暮春聊復效脩禊策杖陟山麓捫蘿厯階砌翼然  
孝介祠荒庭垂薛荔我生恨差晚不及當公世公清恐  
人知明德勒短碣讀罷長太息願以教庶吏涓涓玉山  
泉寒冽清心肺盥手掬為之英靈尚一哂公也寡嗜慾  
公也饜粗糲史巫日紛然非公疇昔志願此婁上人汲  
水來相酌浩氣歸楚黃神明庇闔闐嗟彼妄庸人謂公  
驅瘡癘數見溷乃公喧闐始近歲有如桐鄉人微忱等  
精衛廟貌兩巍峩公有所祠在崑棠陰獨蔽芾崑山非峴首千古

同墮淚

丙寅四月送周忠毅公北赴詔獄感賦

穆穆聖天子明乃見萬里咄爾黜逆者豈其為郭隗咄  
爾負罪者胡不飭簋簋嚴旨忽中下縱騎疾如駸有詔  
縛黨人不得遲刻畧慈母弗敢訣何況兄與弟良友弗  
得別何況妻與子此身等長物寸心已若死天使輕千  
金群從穉於鬼金吾固如此獄吏可知矣君不見長安  
道上邨亭下囚首孤臣何繫纍又不見陰房白骨紛如  
麻親知棄之莫敢視華亭上蔡如天上歌鳳之臺何磊  
磊

中秋月

限三江用  
廣韵

繩樞甕牖傲崇龐芳杜申椒雜扈茫皓魄未升商駟騁  
素娥將嚴砲車降誰家人籟吹高閣何處梅花唱畫牕  
火鳳臨池窺玉鏡燭龍啣照助銀缸百尋峭削凌丹嶂  
萬頃蒼茫漾碧瀧國裏象香飄桂粟山頭犀玉耀琨江  
黃姑望渡疑無楫白月馮河似有虹綠綺微絃散渺渺  
梅檀抱節韻辭辭倚巖長嘯聽紳瀑破浪狂歌縱手艤  
妄擬拈花忝竹篋好持髮結贈雲鬢淨名久已酣禪悅  
香帔從今奉法幢蟋蟀淒涼風瑟瑟芙蓉冷落水淙淙  
捷為得磬宮商閨鹿苑迎鐘大小撞惆悵雙駝荆棘掩

吁嗟九鼎楚猴扛衣冠第宅同碁局屠釣推埋盡揭杠  
閨媛擣砧催剪尺征夫浴鐵整矛鏃幕南射迹穿鷗鴉  
冀北空羣市駿駝萬艘輓漕罄米粟九年霖雨困洪淫  
上林廣大山陵震雲夢高奢金鼓擬樸學家傳惟孝弟  
清芬世引是敦龐捐糜烈烈懷張許淫佚悠悠恨昇蓬  
餬口未能饜鼠腹歎醜欲臥隣缸傍籬徒贖花盈把  
負郭殊慳畝一雙嗜蟹持杯過尉澤烹鱸漚釜向淞江  
鳩車迴邈兒童歲雁戶運思父母邦萬井蕭條生計感  
四民淆雜語言咙露華濕砌凝霜縞氛侵鷺廬掛水椿  
松際秋光搖薜荔洲前夜色隱崆峒峴茗探魚眼頻添火

釀憶那筒共繞甃玉糝調羹馨齒頰金錦柳酥酥饒饒  
尋鄉遠餉浮冰雪芝圃游仙護枿樁分得姚黃覽初度  
拋將虞美屬前腔盈斟翠物慙謀婦倒屣良朋怨叱枕  
醺醺慰情聊解渴珠璣投示路愚卷

自叙

捷為江上夜即西戎馬雲屯亂鼓鞏童子執戈當勁敵  
墨衰仗劍領餘黎先登山郭如猱附後殿林墟似鳥棲  
噲伍未甘歸故里祖鞭空自蹴聞雞

春日過練水城南舊遊處

小院斜扉盡日迥赤闌橋畔繫空鈴尋常一覺揚州夢

偏為春醒喚不醒

張震亨

震亨字專孟年十七補博士弟子數試棘闈不  
售放浪南屏石甌間從蓮池大師共扣空門之  
旨別字大聰年臻大耋

秋雨

秋霖竟為誰繁思忽空諸靜欲衰蓮語心將怨鶴俱野  
煙縈竹暗孤蝶殉花徐寐山房午蕉敲破夢初

春雨

雨亦淹芳候茲辰似頗宜潤能滋麥壠寒未緩花期翠

岫施膏沐龍媒惜漳泣上林鶯思滑為濕最高枝  
張原

原字彥度見維申傳

閨怨

寂寂宮花老上陽分拚一死別君王春風錯恨毛延壽  
青塚魂應不望鄉

張歷

歷字初初見維申傳

村步

散步溪光裡幽尋恣眇如岸楓歌翠葉鳩笛集群漁薄

靄霏歸思寒颺颺客裾柴門新月色隨意滿村墟

張咸

咸字孟簡初生時有率字在膺因字之以簡醇  
厚敦樸不問家人生產與古賢之名率而字孟  
簡者克肖焉

大石山次韻

洞深晴帶濕樹菴晝陰生暫此移清讌因之愜素襟鳥  
聲驚定榻谷響答鳴琴坐有隆中客時聞抱膝吟

張念祖

念祖字仲延號宛鳩少有夙慧過目成誦下筆

千言灑灑數奇不偶賁志而歿有潛玉軒稿

秋蘭

憶從澧水紉孤芳別館羅生九月霜谷裡風傳香擅國  
堦前葢茁玉為堂三秋寡和陽春句九畹重沾楚客裳  
莫以當門嗟不偶由來烈士恥隨陽

秋葉

楓冷吳江樹樹愁輕黃般紫不勝秋高樓思婦啼紅裏  
絕塞征人憶碧油盼望五陵迷劍珮行吟七澤認離憂  
天涯賦徧招魂句獨有靈均未易收

秋砧

清秋寂寂彩雲低一片閒情遠大堤時雜鳴珂催曉騎  
還依戍柝起宵雞閨中腕弱教難續客裡心孤聽易迷  
敲徹枕函飛夢杳祇應無路到遼西

張敬明

敬明字叔詹號慶庭柯崑邑明經鼎革棄去鍵戶  
著述有奕閣書旨行世

遣興

南樓自有月北牕自有風喧寂迥殊軌得趣將母同小  
圃不三畝結構頗玲瓏蓄水板橋鑷疊石莎徑通疎櫺  
抱曲檻隱現綠樹叢獨立幸省曠瞻矚心融融或淪籬



外筍間挑雨餘菘資茗膚以清借酒面亦紅含毫賦雲  
物攤書注魚蟲稍困倚清簞餘興尋良桐但令紛華絕  
要俾德義豐遙景古賢詎晏如輕屢空

塵雜恒百憂枯槁更三歎實獲念古人朋來快染翰孺  
照教廢興讀書資講貫有時摘經義同異相問難長謠  
或短吟繩削感塗攬我生本跣跣游藝性所翫坐隱假  
紋楸優游任柯爛臨風弄長笛歌呼徹昏旦不顧泳魚  
聽熟悉幽禽喚惟拉麴秀才波卷爵無算比如長輿錢  
亦似叔夜鍛返影癖已成鉛刀詎能斷業已愛膠漆勢  
必憊薪粲雞鷲彌咽啾煙雲任泮渙為謝穀若臧自古

僅得半

張敬孚

敬孚字子鶴崑邑學生天宗間與昆諸並名於  
時

薄命佳人和局韻

可用嘗聞戒割漆何事遺光顏的皪姊歸見說昭君村  
生女炙面死其質窺簾留枕未全痴鞦韆背泣春風知  
玉釵擊碎情何薄白燕昇天影吹落

張欽止

欽止字擇公崑邑學生順治乙酉與叔維戊革

同日殉難

夏日寓郡城東定慧院雜詩

不為休糧苦寥寥香積烟欲分隣壁照坐隔四禪天  
剩有觀心法蓮花漏水添遠公寬酒戒不獨為陶潛

張倬

倬字飛疇明醫理少常參悟人稱小龐公著有

堅白鳴

十四夜同友步月過園通叩省修禪扉茗話夜  
分而別

漠漠溪橋色相携度短筇僧閒知寺古影亂惜花重茗

枕醒殘醉爐薰清世容譚酣庭蔭轉霜月拂疎鐘

張以柔

以柔字安世號勛哉性超卓明醫理賦詩鼓琴  
工於翰墨有遺草一卷

獅子林雜題

竹谷

蒙密篔簹裡時時玉版殮白雲封谷口容易長龍孫

獅子峰

怪石山之巔猙獰長百獸樹杪振松風猶疑伏地吼

吐月峯

月出東峰上清光一線生恰如粧鏡畔眉樣畫初成  
張闇然

闇然字實章工詩游京師主於京江相國與群  
季才名並著輦下

題大廷尉李萊嵩先生出獵圖

深山木落寒浮空天低野濶陰濛濛六花飛出萬峰杪  
沙奔石裂驚嚴風百草彫枯獸肥茁周原膻膻戎車攻  
雕鞍玉勒控赤驥飛星之箭滿月弓仰天隻鷗應弦隨  
俯殪猛虎殲封熊壯夫支左復屈右不殊振落發物蒙  
先生氣象自儒者文章爾雅德義豐偶然見獵心亦喜

豈直矜此壹發功巖松千丈磊且砢徃徃感激生豪雄  
平岡五馬指揮動身羅星宿氣吐虹此時朱方正握節  
計日黑頭行拜公彤弓旅矢自天錫何止桓典誇乘驄

又題竹邨行樂圖

雲涵冷玉水清冷繡錯秋英點綴新意息不知魚戲水  
機忘誰問鳥窺人

文禽渚畔啄蒿蘆為賦嚶鳴興不孤料得揮盃空勸影  
未妨泥飲及田夫

張燦然

燦然字宿昭年十三補博士弟子早卒未顯詩

草無徵

苦竹行

烏喙長頸明者憂小臣行意乘扁舟君王金鑄功臣像  
環封百里為勲酬大夫文種慙不悟翻笑陶朱拂衣去  
誰知烏烏莫肯顧走狗終烹愧狡兔臣蟲不職陳區區  
願削茅土贖大夫大夫文種淚如珠恨不五湖從汝逝  
鬼叢苦竹誓帶礪

